

Une presince jurassiche e je stade viodude a pasonâ pes stradis di Pasion di Prât. A son i Gnognosaurs, i simpatics dinosauruts che a fevelin par furlan, nassûts dal lapis di Dree Venier. Ju vin fermâts a Sante Catarine intant che si invia- vin jù pe strade che e parte al di Biblioteche comunâl.

Alore, fasêt i brâfs, cui rispuindial par prin?

Blik: "Blik!" Momo: "Ustie... nus à freâts! Prime lui!" Martin: "Vere..."

Sêso simpri indevant?

Blik: "Blik!" "Cumò tocje a mi" si fâs indevant Cicci, cul mescul in man. Momo: "Ehm! Sigûr, fâs pûr!" Martin: "Ehm! Prego, prego..."

Dulà laiso?

"O stin lant a Pasion di Prât, li che si vierç une mostre su di nô. La inaugurazion si fâs sabide ai 2 di Mai aes 11 di buinore, o sêso ducj invidâts!"

Cemût nassie cheste mostre?

Tenent Brontson: "O stoi viodint di indagâ: mi somee che dut al partissi dal Comun di Pasion di Prât e plui precisementri de Biblioteche, li che si fasin tantis mostris pai fruts, e chest an a an decidût di scomençâ cui Gnognosaurs!"


Ce vêsso metût in mostre?

Agnul e Icaro, i pterodatii, in coro: "A son in mostre dutis lis pagjinis di une des nestris storiis che al à piturât il nestri biograf, Dree. Propit chês origjinâls: fatis cul ingjustri e a man, mighe stampis! Cussì o viodês ben cemût che al nas un fumut!"

Saraial ancje il Dree?

Ines: "Sì, e nus disegnarà in direte! Sperin che nus fasi bie!". Momo: "Al varà di impegnâsi ben e no mâl, cun te..."

Interviste impussibil ai dinosauruts nassûts dal lapis di Dree Venier, cjasas ator par Sante Catarine. » DI CHRSTIAN ROMANINI



Gnognomostre a Pasion di Prât

Articui, un libri e presentazions: al è stât un an impegnatîf... e cumò?

Jurassic Casella: "Cumò o ai chê di fâ sparî un vulcan e al so puest fâ vignî fûr une torte!" Bombo: "E jo di mangjâle!" Momo: "Se al è par chel, tu saressis bon di mangjâti ancje un vulcan..." Ines: "Jo o vœi maridâmi!" Martin: "Scjam-pait ducj!" Professôr Einsaur: "Jo o metarai in cumierç la ruede cuadrade! E savoltarà dut il mût di movisi!" Blik: "Blik!"

Cemût viodêso il furlan ca di cualchi ete gjeologjiche?

Prof Einsaur, cun sigurece: "Kome simpri: dut il Jurassic che lu feFele, po folk!"

Vêso cualchi claput di gjavâsi de... çate?

Rugne mi cjale cu la aghegole: "Sì, ven ca a judâmi, che mi è restade une pierute incjastade tal poleâr... Yum!"

Forsit miôr sierâ la interviste chi, si viodin a Pasion, Gnognosaurs! La mostre e restarà vierde di sabide ai 2 di Mai fin vinars ai 5 di Jugn, ogni lunis, martars, joibe e vinars daes 14.30 aes 18.30, ogni joibe e vinars des 10 a misdì e sabide des 8.30 aes 12.30.

Par plui informazions si pues visitâ il sît www.pasion.it/bibliote.htm

✉ ilfriuli@ilfriuli.it

UNIVERSITÂT DI UDIN

Cors di perfezionament par insegnants

Al è timp fin joibe ai 7 di Mai par iscrivisi al cors di perfezionament e di inzornament par insegnants "Lenghe furlane te scuele plurilengâl".

Il cors universitari, inmaneât de Universitât dal Friûl pal a.a. 2014/2015, al tacarà cui prins incuintris te sede di in vie Margreth a Udin joibe ai 14 di Mai e si sierarà tal mê di Dicembar dal 2015. Il cors si disvilupe tai dopodismisdìs, cun impegnis diferenziâts vie pal an, e al previôt 300 oris di formazion dividudis in lezions, laboratoris, seminaris e elaborât finâl par un totâl di 30 credits formatifs.

La iscrizion al cors e sarâ confermade daûr dal ordin cronologjic che a rivaran lis domandis fin a esauriment dai puecj disponibii. Par plui informazions si pues contatâ Francesca Battistutta, tutot dal cors di perfezionament, telefonant al numar 0432556913 (lunis-miercus: des 10 aes 12 e martars-vinars: des 14 aes 17) o mandant une email a corsoinsegnanti.linguafruilana@uniud.it.

SCOLTADIS DI DRIUS

Lapidari

Sun tune lapide: "O soi chi parcè che mi àn quartât. Fossial stât par me no sarès vignût".





SMS: 393 00 90700
diretta@radiofantasy.it
TEL. +39 0431 30022

la radio tra la gente

UDINE VENETO ORIENTALE	FM 90.700	GORIZIA	FM 89.100	PAULARO	FM 107.700
PORDENONE	FM 95.800	TRIESTE	FM 89.100	TOLMEZZO	FM 101.600

www.radiofantasy.it